

亦
有
生
齋
集

亦有生齋集詩卷第十六

武進 趙懷玉

古今體詩

著雍敦牂

旃檀佛像歌

佛生遠在周昭前報母說法忉利天度夏三月不肖還竭誠
渴仰聞優填運大神力目犍連攝卅二匠旃檀鑄操斧聲徹
層霄巔審諦三返形神全國中臣民崇奉虔佛來像若低頭
然佛爲摩頂首宏宣我滅度後利大千龜茲涼州蹟屢遷兩
至江左移淮堧何時由汴北至燕遼金元明伏臘縣有道則
至故老傳得遭盛代誠因緣鷲峯湫隘昔一椽琳宮金碧今

新鮮無所倚著四體懸兩手上下目視聯踽踽欲動衣水田
莊嚴龍象衛法筵士庶不惜黃金捐我瞻瑞相忘言詮是豈
創自辛卯年相傳造像之歲當周穆王十二年辛卯鉅夫之記何所沿居以黃
教信且堅大哉彼法眞無邊長駕遠馭理寓焉徘徊日影下
薰楊驅車急出城西偏回聽寺鐘出暮煙

天慶宮觀劉鑿塑歌

松陰謾謾生靈風行人下馬天慶宮叩門老嫗出啟鑰指點
塑像誇神通凝旒上帝正南面儼若端拱臨蒼穹元辰大曜
後環衛侍者肅肅坐者恭乍觀已覺心志斂如有臨鑒當其
躬人言盡美未盡善更涉兩廡周西東左廡三元風貌異衣
冠不與尋常同豈無金童兼玉女乃肖地啞隨天龕右廡眞

人亦三數許薩効向張居中是何么麼來蜥蜴吐燄欲奪春
初虹驅邪賴秉正一法戟手而指如相攻傳神尤喜在阿堵
全攝萬象歸雙瞳瞻禮失聲歎奇絕至此始信塑者工吾聞
秉元妙搏挽鑿塑竝著先稱雄二劉大抵各擅藝謂音相近
殊朦朧朝陽岱廟炳載籍此獨

天藻曾褒崇舊聞失考笑秀水

謂朱檢
討葬尊

補闕願以長歌充

人曰韓比部

對

招集遺讀齋

觥籌交錯衆賓譁夜飲厭厭斗欲斜百歲陰晴此人日二難
兄弟屬君家新風似翦寒猶緊淡月如弓影半遮剛是春來
偏病酒

時方
戒飲

當筵愁對玉梅花

上元前一日韓孝廉

崧

比部

對

兄弟以聯句詩見示卽次

其韻

又近傳柑節他鄉樂未真年華須鬢改客味友朋親燈火仍
喧市風埃故惱春南窗回首遠烏鳥願思陳

竊祿慚無補安心但寡營何時息氛祲幾輩答

昇平多病惟需藥長貧孰賚杭不歸如此水敢俟有田畊

韓孝廉蠱韻見答且贊遂初之志依韻再酬

新篇殊絡繹投贈各抒真韻爲難生巧情因病轉親

時余與君皆小

疾月明疑入畫風定卽知春何以酬佳節芳筵旨酒陳

傳聞秦蜀路列帥正連營羊豕防奔突鯨鯢待翦平頗愁艱

朔雪稍喜賤南航

閩南中米賈頗減

賣藥君能否吾當請學耕

附原作

韓崧

舉俗雷同憤誰能尙率真世交如碩果執手倍情親竹
葉新年酒梅花故國春古琴彈別調披豁曲中陳
筆陣今無敵胸橫十萬營抱奇偏抑塞養氣到和平歸
計操成竹生涯薄種杭

清時霽漢侶休笑子真耕

前詩旣成比部復以詩至似欲畱行者三次前韻答之

出處亦何異性情自有真疎慵原拙宦睽隔況衰親松菊猶
存徑蘭苕讓占春畱行感深意膠漆比雷陳

舊交誠可戀旅食苦難營陳力君其勉論心我已平願栽無
患子那得自然杭谷口嫌名累將求息壤耕

附原作

韓 封

一從觀海後到眼覺非真頗盡新知樂偏於老輩親活
雲非戀岫古木亦驕春且佳爲佳耳憑將大雅陳

草檄飛秦蜀春風細柳營疎狂無事業醉飽荷承平世
態逢場戲公才儉歲秔 王城最堪隱何必計歸耕

爲楊別駕廷煥題研堂卷并序

別駕之先大參兆升以研遺其孫某築堂貯研同時陳

道柔鍊邵子湘長蘅皆有詩文積之成卷尊甫詩南以

卷畀別駕以研與其兄倫焉

貽厥謀存片石中築堂事比范家隆一時名宿畱文字畫錦

何須羨魏公

興賢門巷記頻過九柏森森舊蔭多卻喜二難諳治譜分攜

手澤各摩挲

我亦司農清德餘
良田慙媿廢菑畬
何當歸守陶淵老
補讀傳家插架書

為韓氏兄弟題同年馬郎中

履泰

所畫聽雨圖

對牀聽雨言傳自
大小蘇後遂成故
實往往丹青摹昨
歲為棟鄂謂侍郎繼保玉保濡毫題此圖
今復見兩韓樂事
敦友于哲弟

少通顯揮巡昔馳
驅今者居西曹四
十逢懸弧阿兄遠
寄詩情與筆墨俱
塤吹箎乃和字字
皆驪珠和之我同
歲繪事比俗殊乘
輿作長卷雨氣含
模糊仿佛茅堂中
共此燭影孤嗟余
來春明屈指七歲
逾白晝偶看雲便
覺心神徂豈無入
夜雨反使鄉夢無
斯境不可得念之
發長吁讀畫空致
羨何似

還菰蒲

題方處士燕雪泉卷子

方壺六法工題者多擅場雪泉得諸君勝境乃益彰豈曰見
峴消但覺隨風揚何人茲卜築巖壑恣相羊自憐逐輪蹄久
抗京塵黃展圖引歸興夢落天一方無資能買山有約思稟
糧盪胸十斛寬洗耳百道涼庶幾傲巢由聊以遊羲皇世苟
有同志願誦招隱章

西涯詩爲伍堯祭酒法式善作

李公家茶陵戍籍居京師遠望嶽麓雲築堂志懷思西涯迺
舊宅小小嘗遊嬉今爲積水潭指點生然疑楊柳夾兩岸芰
荷覆平池記曾載酒往與客聚飲斯司成有心人好古復好

奇一作西涯考再作西涯詩繪圖冠公像奕奕瞻風姿藝林
實嘉賴豈獨功賓之公昔事康陵所遇非其時大權歸中人
委蛇念潛移或多迴幹力或咎引退遲輿論且勿辨晚節要
不緇聲名久照耀翰墨珍留貽文章與氣節在古本不岐後
世鮮克兼憑弔遂異詞我來問水濱煙水空渺瀰子規何處
無是在聽者知

聖駕釋奠臨雍講學禮成恭紀

郵治符三古

重光燭九垓

勳華家畧洽軒頊世同淳曾記雍宮建親邀

法駕臻勒經超漢魏

摘藻炳穹昊今者鴻儀紹欽哉

慈訓遵用丁

躬視學指卯序當春舞已從容習儀猶次第

詢舍萌稽舊制贊幣致精禋

後聖淵源接先師陟降神和鑿莅圓水帷幄啓

高宸觀聽橋門路趨跽冠帶倫諸生都濟濟貴胄自莘莘禮

較常朝節

是日諸臣詣御前祇六叩頭如行師生禮

才從三舍掄朱提頌

丙府白氎坐元臣執事擎縑帛談經演

綽綸儒風欣遠邇

昊貺慶重申容保維

君子明新有

大人是日講臨卦大象及大學第一節召雖仍擊鼓化已捷操鈞是日

天顏喜乘時淑氣新樹榮桃李植澤遡泗洙津

面命敷宣切心傳

授受真歲星周末久時雨潤還頻寰宇絃歌徧膠庠樂育均

依

光慰瞻就橐筆媿鋪陳

清明遣興

孤負泉新與火新那堪憂病復憂貧百錢難買花遮眼經月

空思酒入脣乞食人方效東郭論詩我獨愛西鄰謂戴吉士殿泗比部

敦元擁衾纔作江南夢門外驚風起夕塵

送魏郎中成憲出守揚州

喧喧歌吹處處花遊人上下已足誇專城況荷

九重簡畫軾日坐行春車使君舊稱皇華職父老兒童各相
識跨鶴爭如一鶴隨公餘且看平山色十五年著西曹聲執
法其喜能持平民俗雖奢民力竭此行何以裨蒼生送人作
郡紛紛羨我羨使君別有見去家不及千里遙綠水一篙迎
養便自憐親老久倚闕南雲在望祿仕虛陳情倘遂歸計速
秋風可免思鱸魚左司燕寢當先訪更約同乘竹西舫新知
季重開講堂調吳侍讀錫蟻爲我殷勤訊無恙

三月三日同戴吉士殿泗顏舍人允燦邵進士葆祺遊釣

魚臺歸過崇效寺看花三首

索處負韶序薄遊趁佳辰釣臺渺何許可以祓水濱招邀二

三子驅車出城闔時乎惜來暮花落盡減春密葉正陰翳微
波亦瀟淪流杯縱無會聽瀑且洗塵地建高瓶激湍怒飛宛如瀑布俛仰忽
興感金源蹟已陳

吾聞王飛伯少本隱君子無意求聞達潛心到古始一朝遇
欽叔將謂仲知己簡牘徧公卿聲名滿都市仙人今淵雲才
鬼昔溫李晚乃遊四方傷哉以兵死向非汲引多胡爲至於
此

尋芳意不愜歸路投招提眼中未見花門外先成蹊海棠尙
半含餘者都開齊如入衆香國足使五色迷丈室偶趺坐同
行勞久憊頓邵二子塗中覆車後至徐聽馬首東不覺日影西乘興覓酒
徒索醉拌如泥

花朝後一日章大令學廉招飲未赴暮春之望復申前約

詩以先之

看花曾負河陽約折柬重邀日下朋公退食單應自檢病餘

酒戶恐難勝時余以疾止飲貧猶損俸真殊俗醉卽逃禪卻愛僧預

惜峻城阻清興不教坐到月初升

立夏日邵五葆祺招集齋中時久旱得雨

高齋申款洽修景入恢台酒傍新陰設人同今雨來談兵還

色變望歲且顏開不仕優遊好吾憐第五才

洪大亮吉以弟喪乞假南歸有詩志別次韻送之

承明廬下九年官每許文章定子桓詩出一時交口誦疏成

百辟動容看名山不惜重鍵戶青史還期待闔棺甕爲令原

乞持服斯人終合置臺端

乘輅返後侍經閣難得林泉興未違張翰可因鄉味去陶潛

竟以妹喪歸佇聞河獻宣防策且喜烽銷捷伐威時賊首姚

氏已就我亦郊扉思戢影好畱春酒待元暉

為張太守鳳枝題其祖文恪公泰開靈芝五葉圖

壽潛秉和氣誰謂生無根君看衍祥族多自種德門戔戔張

宗伯儒行早自敦晚荷

特達知三天勤討論告歸比疏傳五葉添蘭蓀寓詩徧藩邸

作畫貽來昆嗟予生也晚猶見顏色温歲乙酉從劉公星煒

公今復交太守索題深意存下以志世澤上以銘

君恩豈乏佳翰墨難在賢子孫

劉上舍企探前後西山紀遊詩題後

都城西望列諸峯幾輩能來策短筇況是名流各乘興畱題處處紀遊蹤

潭柘幽州孰後先戒壇松亦不知年他時日下搜文獻應把新詩附舊編

春秋佳口冑蹉跎絕勝林巒兩度過健筆競誇扛百斛劉郎才更比人多

七年僕僕抗黃塵三宿勾畱蹟已陳甲辰春遊西山宿戒壇三日展卷真如續殘夢入山終擬乞閒身

黃司馬易白嵩山拓三闕全幅寄來翁學士方綱張之蘇

齋招同人觀賞竟日因題上方

我聞中嶽多奧蹟三關分峙名尊崇惜哉讀者每罣漏未得

字字搜璣瓏錢唐黃九雅好事裏糧秋末升維嵩廟前神道

首肅謁呂營記造元初中少室不自叢林始少室闕叢林芝

開母窟以維何終開母闕其下維何下有嘉字四圍人物雜鳥獸剝落猶

見雕鏤工指撝搨工揚巨幅臚列上下周西東目驗可笑褚

峻陋心賞祇許蘇齋同修塗遠致一張挂盡羃四壁中空空

呼朋置酒坐相對洞天如與思貞通我昔遊梁近尺咫有約

擬待閩闔風戊申過汴曾與同人約以八月遊嵩山故人登封況作宰招我數

數來郵筒因循奇境失交臂烏帽翻使黃埃蒙會當一了向

平願揖讓李渤延盧鴻盡收碑版貯行笈集古更補歐陽公

主人笑謂此壯舉曷不先以誇涪翁

四月十一日薄暮出城至豐臺看花作

載酒看花說幾回未曾乘興到豐臺
明年知復遊何處特趁斜陽影裏來

數家籬落便成邨種得花田長子孫
日日五更爭入市看他一半屬朱門

深紅淺白已無多遲去尋春可奈何
莫怨芳菲不相待平生事事總蹉跎

方比部

體

移居八角琉璃井將欲索飲先之以詩

饒有林亭入畫圖此間合署小方壺
買書肆近收藏易汲井泉甘沐浴須
燕雀未妨遲賀厦筍纓且請速開厨
不知一紙詩題去抵得青錢三百無

爲楊比部日鯤題其祖師游尹婁縣時所畫墨葡萄

西曹楊君勤述祖示我生綃二尺五墨痕戲潑作葡萄似剖
驪珠懸馬乳公昔製錦官茸城棠陰下有絃歌聲此幅公餘
偶試筆垂簾想見政初成難得文孫畱手澤展圖仿佛餐津
液我亦當年竹馬兒如今鬢已星星白

五月十三日招同韓封君是升周侍郎興岱吳編修裕德

吳吏部樹萱戴吉士殿泗小集寓齋韓詩先成因次其

韻

勞生久擬息疲驂已分長依彌勒龕剩有閒情戀朋舊每牽
遠夢入雲嵐黃塵笑我衣難浣白髮輸君酒易酣可許結鄰
成二老往來水北與花南

傳聞師道重昌黎陽羨山深路不迷君嘗主蜀山講席老去詩猶誇

拔幟倦餘人最怕綠梯頻年契闊仍攜手有日逍遙各杖藜

當暑且追河朔飲未妨坐到月輪西

詩成次日吳吏部復疊前韻索和

願比萊公說客驂敢云祁國有書龕開筵且喜傾紅友卜宅

終當傍翠嵐粗糲百年餐自媿唱酬十疊興猶酣此韻始於韓東生封

君陶然亭詩對牀知隔難兒久令兄俊官持節看君過嶺南

司令剛逢火正黎銜杯拌共竹沈迷是日為竹醉日慨慷歌本宜燕

市機巧心還謝魯梯幾輩近籬先采菊何人叩閣冑然藜相

思銷夏灣頭路曾棹輕舟蓮葉西

附原作

韓是升

束髮交遊戲竹驂聯吟曾記共僧龕粥魚飯鼓歸塵劫
古木寒鴉記晚嵐乙酉冬與君及月聲菴僧晚峯同人遊歸田園聯句未幾晚峯化去

過中年多感舊興逢熟客更加酣堂堂白日休閒擲高
築詩壇奉劍南

冰桃冷浸碧頗黎盡醉歸來夜色迷載月直看懸古鏡
倒牀無夢踏天梯君偏約已豐珍錯我若畱賓辦藿藜
親健豈容思退息君方有歸志戈鋌正擾漚東西

吳樹萱

識路從君效左驂藥欄苔砌卽吟龕鷗波檻外摹真薤
邃韻樓前臥晚嵐疏果儘容鄉味飽先生精治肴饌盧橘楊梅羅列無算
壺觴卻勝宦情酣先生有歸田之志而飲興極豪小長蘆後風流最一

架藤陰在舍南

先生曾寓竹垞古藤書屋

髯蘇遊屐問諸黎
詩鉢傳宗破六迷
白社有人爭設藺
青雲無意更攀梯
歸田只合盟江水
速客還堪翦徑藜
猶憶艤舟亭畔路
布帆曉挂晉陵西

苦雨

今年龍見後
雲禱曾苦旱
豈知過黃梅
一雨亘昏旦
屋漏屢
移書竈
傾將斷爨
預愁桂玉艱
遑卹草木爛
怯涼剛典衣
禦濕且燒炭
宴處尙無聊
行路尤可憚
應官勉趨直
彌望渺無
畔
尺水恣奔騰
通衢成浩瀚
馬足卻不前
車帷漸及半
下車
入東華
陰寒侵兩髀
出門時向晨
歸寓日逾旰
豈無臥北窗
卽此登彼岸
僕僕身徒勞
駸駸歲頻換
長此亦胡爲
念之發

永歎四方正多故一已焉足算築堰佇宣房洗兵晒河漢幾
時清宴奏并免戈矛鍛起坐望天星低雲黑如幔

送家大令帥宰安肅

憶昔歲敦牂盛典逢賓興大江南北士如雲集金陵邂逅卽
傾倒宗族兼友朋豈知音塵闊屢悵寒暑增君官傍京口我
夢依觚稜兩人長落莫同輩多飛騰昨歲大阮來謂令叔問

訊始有憑今年君繼至一見喜不勝略嫌須鬢改殊喜風采
仍轉瞬卅七載舊境猶未愴示我哀然集聲價高剡藤貽我
拓本書字畫如織蠅謂言蠶舍久可冀民社膺果然宰畿輔
邑也實股肱倉廩固宜裕閭閻尤可矜如聞今封疆相率勵
槩冰君以經術飾自見吏治稱莫言百里小指顧三異徵

送同年李郎中 鑾宣 備兵溫處

左轄新承

天語和黃梅雨後送鳴珂鯨波靜後無氛稜鴈蕩登餘有嘯

歌迎養且欣舟路便營齋應感俸錢多 時君悼亡未久 我歸首擬尋

康樂好種芙蓉待客過

爲張太守

鳳枝

題通守舅所臨趙承旨畫贈鮮于太常委

順菴圖

君昔與舅交于黔別十餘載相思深邇來塵海一邂逅不覺
老淚同沾襟仕宦蹉跎俱白首舅已林泉君尙否三尺生綃
寫素心篋中檢點貽良友萍蓬蹤蹟殊茫茫但能委順天必
償他時君遂田居願盡以此圖爲左券

六月九日李茶陵生日也積水潭爲西涯舊址伍堯祭酒

法式善 招同人集焉詩以紀事

溶溶積水潭昔居李文正祭酒今卜築後先實輝映倩客寫

雙圖揮毫補雜詠約拜公生朝聞者互相慶幾於傾國來聊

致瓣香敬吟壇首北翁學士方綱畫法數南聘羅兩峯送迎刪禮節

坐起適情性事添衆口傳人況二難并未知古河朔與此果

誰盛

去歲記雅集已是迎秋餘今年續勝遊甫值初伏初蟬鳴出

深樹魚戲依新葉酌水薦公像拂几披公書是日翁學士攜公種竹詩卷來

我亦得手蹟珍同百車渠惜哉藏做篋未及隨行車余有公各體書

巨卷畱 鮭菜不充賓俎豆乃在予豈無高閑閣再過爲邱墟

世自有真壽佗彭竟何如

書韓比部對灤陽雜詩後

漸生髀肉喜乘舟讀罷新篇抵再遊正是鄉心逐征鴈又教人夢塞垣秋

題同年金舍人芝原百二十本梅花書屋圖卷

袁郎宅後梅厥數計有六劇憐敝廬窄一枝聊傍屋歲策西
崦筇暇訪孤山麓庶幾愜幽賞敢便詡清福自從來京師衣
塵堆十斛雖云唐花豔必藉火力煥豈如風雪中任彼英萼
簇吾友有同好故園早卜築種梅百廿本本本散奇馥亦苦
別多年欲至難一蹴畫師屬元章王霖放筆爲長幅青笠而朱
履翛然野人服倚樹發深思閉門卽空谷遂令春久駐并覺

地可縮吾聞鷗波亭有書曾乞竹又聞羅浮夢數典不忘族
他時過鱸鄉倘許畱信宿君梅想益繁願以分貺僕

送羅山人 聘歸揚州

入秋忽一月秋氣日以深羈愁已難遣況乃別思侵君來人
海非一度大布衣名爭卻步厥西深巷屋三間學佛餘還諳
鬼趣偶然拈筆成小詩潑墨或作橫斜枝煙雲自饒真供養
門外塵高渾不知浮蹤大抵如萍梗垂老情偏戀鄉井負郭
將謀餉鶴糧避喧且息盟鷗影西風曉送落葉聲一肩書畫
歸裝輕山亭水驛莫嫌寂執鞭有子遙隨行二分月色中秋
瑩歌吹竹西良可聽舟還正泛廣陵濤白髮應添少年與同
時吳侍讀魏太守賢主賓是我舊交君故人招邀應接恐未

錫麒承憲

賢主賓是我舊交君故人招邀應接恐未

暇衆中可憶春明春留君無術我亦返尋山有願猶非晚嘗欲

乞君為尋山卜築圖未果過揚州約梅初開與君花下先傾杯

送顧吏部宗泰出守高州

江鄉邂逅記霜晨便覺雲龍意氣親甲申冬始交君於暨陽卅五年來

交耐久三千里外宦長貧曾攜月滿樓君所居前酒幸步雞樓

樹下塵惆悵送人頻作郡海南白鹿好行春

西風衰柳驛程催此去看橫浦梅大府方聞端吏治專城

正可展公才做過題字詩應就亭到歸鴻書定裁郎署漫言

唐易老名臣多半一麾來

珍重離筵數舉觴臨岐還各論行藏閭閻早待君為福泉石

當容我寄狂最羨有親能祿養都忘結習是名場何時扶杖

仍追逐佳話重開秀野堂

君宗人俠君築秀野堂極賓客之盛

題棟鄂侍郎

鐵保

鏡中小像

先生久操鑑萬流爭仰鏡遂寓丹青傳宛若水月映室自虛
白生天覺纖雲淨人我相兩忘主客圖誰證靈山面目留空
谷聲響應杯同李白邀詩和陶潛贈非此身外身那悟定中
定吾生每凝滯所苦少稔訂願借壽光看一使塵緣屏

南田女孫暉璠寫生便面為長洲潘上舍某所得諸老皆
有題辭潘以授女後歸韓氏老友韓君

是升

孫婦也持

以索詩

甌香筆妙女孫傳翠柏天桃賦色鮮珍重一時題句滿河陽
又續種花綠

練裙家法本來諳授扇從知深意含好向故鄉徵故實石田
作畫贈袍巷

既有歸志先以書數籠附便舟南還作此寄舍弟

球玉

薄裝典盡滯京華餘得叢殘一兩車累歲惟君堪託命暫時
離我早還家欲謀拓室貲猶待若計藏山業尙賒寄語阿連
勤檢點么麼蟬螽正磨牙

次韻題張檢討

問陶

青棠客舍

歷盡山巔與水涯青棠樹底又爲家客能放達多如晉詩帶
悲涼每詠巴閒傍綠陰書可讀悶消白日酒頻賒炎風看到
秋風裏難得長開是此花

八月十四日招戴吉士

殿門

方員外

體

薛舍人

玉堂

童孝

廉賡陽 張檢討問陶邵進士葆祺爲度秋初集

闔闔風前酒瀉甌是日居然人繼竹林遊當頭恰喜初圓月

僂指還驚過半秋苛禮盡刪容爾汝醉鄉自大失公侯請從

隗始成佳會拌到銷寒更典裘

附和作

薛玉堂

何須滌筆向冰甌但與詩仙作勝遊四座雄譚歸大雅
一分明月待中秋衣冠暫遠紅塵隊勲業從誇白板侯
醉眼模糊更西望露華霜氣滿征裘

童賡陽

客常盈座酒盈甌結習難除是勝遊此會不孤今夜月
先期已足十分秋詞壇健欲凌開府觴政寬非薄醉侯

且共城南作豪舉漫將心事憶征裘

張問陶

清酒頻斟綠滿甌久無常語慰交遊
來從戈馬身如夢盼到團圓月已秋
詩敵看人難命將醉鄉許我自封侯
西南風急歸心遠重檢空箱感做裘

邵葆祺

銀燭休教映綠甌捲簾擬共廣寒遊
庭無高樹偏宜月座有騷人易感秋
杯底鯨吞忘作客夢中蟻戰笑封侯
除官我類相如渴獻賦何從轉典裘

八月十六夜儀藤書坊看燈歌

昨宵虛負月色圓欲償令節重開筵
今宵月又爲雲蔽先遣

懸燈張月勢高高下下何參差位置亦煩徵巧思銀屏珠箔
互輝映放眼空明光不定有時樹杪一星懸恍若臥對帆檣
看有時渲染須眉綠萬葉田田插銀燭主賓酬酢累十觴客
興已闌主未央更洗尊罍同露坐簫管聲吹入破須臾漸
覺微雲開一輪月向空中來是燈是月光交射何以答之浮
大白前塵忽憶隨園中此情此景將毋同人生行樂偶然耳
古者夜遊良有以急煩好手丹青摹明朝想像成追逋

偶出

偶出近畿地驅車又夕陽山多起西北樹半雜丹黃舉目方
秋色關心忽故鄉浩然歸已決擾擾爲誰忙

臂痛

五十稱始衰衰象日以貢初則雙瞳昏近復左臂痛著衣愁
轉振騎馬失磬控酒力淺寡效藥性遠難送得非血氣耗或
者陰寒中勞生休何時得天羨羣動先零本蒲柳大用讓梁
棟倘能歲月閒猶可筆墨弄願言枕曲肱長伴眠鷗夢

題菊爲張太守

鳳枝作并序

太守祖文恪公

素開

官京師時喜栽菊有名月下西施

者種尤勝爲搆采香堂供之今太守將赴戍所復得此
種因以一枝見贈感而賦詩

采香舊事已成塵瞥眼秋光幾度新尙有黃花似相識仍來
京國慰羈人

膽瓶分贈一枝霜好把西施比澹妝贏得乞詩兼索畫寒窗

幾日爲花忙

荷戈萬里雪盈頭垂老翻爲出塞遊
畢竟餘香留晚節待君重醉故園秋

孤兒吟爲袁巡檢

悅孝作

孤兒三歲孤生未識父面鞠子母節苦如松
集霜霰迨兒讀父書負米常爲客念母遠道違
痛父重泉隔其存其亡事則同合圖親貌尺
幅中精誠旣通貌唯肖長似庭闈承色笑一
第屢躓黯自傷孤兒結交皆老蒼攜圖徧乞
不朽作持以報母唯文章兒今已得官祿薄
亦堪養母也逾七旬白髮扶鳩喜無恙從來
天道佑明德孤兒吟成三大息悠悠富貴何
足云幾家節孝能如君

爲蔣上舍

莘

題其尊人

曾焯

詩禮趨庭圖

修梧森森碧于玉
傍有千竿萬竿竹
插架多藏善本書
且喜膝前能盡讀
人言薛鳳皆奇才
采蘭身況循南陔
如君門內福應少
俯仰那不心顏開
望雲自歎疎溫清
子讀魯論猶未竟
展圖根觸歸與興
我欲扁舟訪三徑

痘癘行

朝聞東鄰啼暮聞西鄰哭
東鄰小兒齡二三西鄰小兒歲五六
一朝皆以病痘殤如此
輪迴亦太速牛車紛紛出郭門
十棺五棺如山屯貧家裏紙便作樁
河沙誰辨孩提魂就中偶有邀天贊
神以爲功索報祭雲車風馬拜送神
惴惴唯恐遭神噴
三秋成例伊誰始
每三歲都下小兒痘殤必盛
那似不生并不死干

戈水火疾疫外餘劫乃致災赤子高明之家氣燄張子孫逢
吉身康疆兒兮何辜虐無告天亦縱神長肆暴

十一月五日過添丁殯所感賦

拋汝兼旬久今來始撫棺再生空想像一夢也艱難膽定陰
房怯骸當故壠安斜陽衰草外小立涕沈瀾

題二分明月女子陳素墨蘭

居然標格見沅湘露葉風枝墨亦香自得前身是明月自鈐

小印記家鄉

玉臺金屋素小印文有前因空谷芳姿自寫真且喜紅顏歸得所

萊陽公子本才人素為姜學在姬人

送張太守鳳枝謫戍伊犁卽次畱別韻

秩宗家世舊儒臣太守清標繼後塵宦海方爲登岸計塞垣
忽作荷戈身畱將風月堪娛老歷過冰霜自見春珍重萊衣
歸更舞白頭尙有倚閭人

哀樂中年最易傷懸知別後費思量盟心獨許三秋鞞歸計
全虛十畝桑何日買山同卜築與君掃地但焚香此行不少
逢迎在莫悵天西路渺茫

哭管侍御

世銘

不周風急日西沈服舍俄傳意外音七日別成千古訣半生
交有幾人深老猶好學編常絕死尙勤官病早侵亦怪年來
衰太甚遲回悔未勸拙簪

功名四十未云遲及向班心作羽儀論事每形精悍色臨文

獨出雅馴辭賈公藻鑑能邀賞謂朱石晉國勳威許結知謂

佳文成公空有生徒盈絳帳不教玉尺手親持

曩時豪興漸無存往往歡場罷酒尊纔見黃門哀永逝君近

又驚丹旆返鞿魂運關桑梓誰追步淚灑孤寒有感恩一子

可憐仍遠隔蒼黃含斂付童孫

京國重來歲遞遷深情比昔更纏綿坊南雨積驅車訪塞北

秋高對榻眠甲寅扈從灤陽與君同寓旅食大難容索米宦情共淡約歸

田那堪兩度人琴慟併疊君家在一年夏間哭令叔松厓

雪花

六出開何幻因風不定飛門前三尺積陌上幾人歸枝葉刊

都盡冰霜伴未稀飄茵雖得所只恐失憑依

題黃慎山水為伊太守乘綬

解衣潑墨記僧寮感舊題名有板橋鄭燮什襲卻逢鄉後進

對人讀書說癩瓢

蟲鳴果落雨空濛海岳房山派本同好伴雙旌貯行笈粵中

巖壑接閩中

邵進士葆祺席上分賦哈密瓜十韻

瓜種生何異方冬始見之貢從沙磧度到及緒風吹

北闕恩常賚南人說未知屢嘗嫌沁齒乍擘欲流脂路與燉

煌接名同韎鞞馳真珠繁胡嶠記蒼玉信公詩傳比吳柑早

包隨鄧橘遲消寒欣此會拜

賜憶當時曩預校書之役赤縣家爭購青門座更宜擬從君

學圃長共酒杯持

雪中集蘇齋作東坡生日用東坡雪後書北臺壁韻

玉塵霏似雨廉纖曉過蘇齋歲已嚴自有瓣香尊斗岱便同
列鼎和梅鹽坐消凜冽聊圍火近挹光輝更就檐好步東坡
北臺韻分題呵徹兔蒙尖

紛紛聽噪踏枝鴉門外喧停問字車嗜古久知心似渴論文

早覺眼無花遺磚炎漢誇雙絕是日觀吾竹房所琢五鳳五年磚繪像凌煙

得幾家錢上舍泳攜其遠祖武肅王像至酒罷漸看晴色上衝泥歸辨路三

又

十二月廿五日再過添丁殯所

作羹思所嗜更買楮錢隨忽忽年將盡茫茫汝可知暫棲終

合返鄰鬼莫相欺祝罷難禁淚逡巡欲去遲

小除日方比部體招集適園祭詩卽洪大亮吉舊居也

祭詩曾憶卷施閣今日適園復祭詩愁病漸增才力減林泉
依舊主賓移誰將賈島金重鑄只合方干酒共持慚媿多情
雙畫燭年年長照鬢如絲

子 昶

姪學彭 校字

亦有生齋集詩卷第十六

亦有生齋集詩卷第十七

武進 趙懷玉 億孫

古今體詩

屠維協洽

大行皇帝挽詞

化成久道樂華胥端拱昇平五紀餘今日

鼎湖弓劔杳攀髯淚灑上春初

園丘歲歲肅明禋行健常思

祖武猶親奉

慈筮逾八袞可知

大孝慕終身

高懸奎壁沿江河亘古應推

宸藻多重建辟雍開四庫儲才從此盡菁莪

東海西沙萬里恢桑麻一例徧埏垓但知虎旅能操勝那識
都承

睿算來

正供屢免更蠲逋耕鑿聲中

德意孚自有閭閻藏富術未須抵璧與沈珠

歷稽史牒欲空前福備箕疇功亦全

聖壽九旬堂五代成鳩以後此中天

盛事

黜華紀丙辰九州同仰日重輪勵精肯爲期頤倦

宵肝還看

訓政頻

文純於德何曾已堯大如天孰比高

廟號自隆千萬古禮官擬議恐徒勞

故家喬木久難支俯仰時慚清白貽何意尙蒙

恩眷舊六頒奠醊到荒祠上六幸江浙皆諭祭先臣申喬祠

曾記江干

翠葆臨長楊同獻集青衿小臣別有銘肌處五字元暉恆

聖心乾隆庚子懷玉應南巡召試名列第七以詩押元暉韻與聖意合易置第三

詠古

冰山何峩峩見睨迺忽消秋蠅何營營所苦來嚴飈梓澤宴

昨日蒿原委今朝方昔氣盛時叱咤驚百寮雖其比肩人望
塵亦折腰三千蓄鍾乳八百儲胡椒豈知禍所伏早爲識者
料諡之曰大愚炯鑒古已昭

書誓美有容老學貴知止媚嫉怨之媒封殖敗之趾胡爲伐
櫻桃自誇樹梗杞安仁亦時雋乾沒竟不已塢歸一炬焚身
集千夫指使能慎初衷何至悔沒齒小才昧大道益成遂速
死武安竟免族屬有天幸耳

季長頌西第務觀記南園厥過有重輕非可一例言此猶曷
祖德彼則助奏彈明明千金壁毀後難再完不見九斿魚悠
然戲波瀾不見籠中鳥翻然入雲端松栢去天近勁姿顯歲
寒麻直體自卑雨露無由溥

經術與經綸其道非二致賈生空玉杯平津徒布被次公守
潁川天下稱首治及其總紀綱風采邈丙魏中國相司馬聲
名動遐裔景星而卿雲觀者以爲瑞然猶咎更張毋乃責賢
備偉哉古大臣身爲風會繫

爲翁學士

方綱

題方

薰

所畫西涯圖

萬樹垂楊何日栽遺蹤仿佛水之隈集傳懷麓曾繙遍圖倩
方壺更寄來闌草已看人表墓賞花猶記我銜杯西涯緣向
西湖結翰墨還憑作合媒

詩龕好事同詩境總與茶陵有夙因况是賢侯政多暇肯教

故相蹟全湮

宛平令胡遜訪得公墓

斷碑風雨空題字尺幅丹青亦寫

真化鶴若歸華表語也應感到兩詞臣

伊光祿

朝棟

左手寫經圖

昔聞鄭元祐作書稱尙左先生今繼之名以寫經播大藏浩
 如海隨意無不可既堪式藝林兼資結勝果座置貝葉筴餅
 插蓮華朶明窓日揮灑健筆含婀娜欲法天轉旋宜愁病纏
 裹令子方乞郡就養赴單舸逍遙地有仙清淨宅無火展軸
 念前塵作圖殊媿我歲乙巳丙午間余居先直人夏日
 寫孝經及金剛經亦曾作寫經圖

送伊比部

秉綬

出守惠州

異苔天遣生同岑同譜廿年分已深春明邇更過從密把杯
 談藝交題襟平反舊熟西曹律典郡今看一塵出由來循吏
 半文苑况是龍川美風物二江合處開朱樓潘輿歡奉雙白
 頭鉞橋石柱趁柔捷平生快事游羅浮荔子垂枝榕蔭屋東

坡風雅千秋續不須夢寫新宮銘自有題名遍山谷方今
聖主舉錯新庶僚濯磨士氣伸嶺南大府本賢者想見虛已
勞諮詢親民之官堪藉手得人則安尤在守彼都利弊吾未
詳大指先爲君一剖珊瑚擊碎明珠捐心清任飲食廉泉風
波久作嘯聚窟何以息此鯨氛延其餘事可次第舉要使閩
閩慶安堵日計不足月有餘聖書加秩聞諸古麋鹿之性蒲
柳姿葺鱸我自深遐思但期出處兩無負政成早報田間知
東風吹塵馬蹄促歌終其奈離愁蹙更祝移旌吳下來述罷
相思述風俗

江大令

清

大滌山采芝圖

若柄各有志每因世網絀徒作宗炳游終牽向平債江侯古

循吏政聲隨所屆，莎長庭自閒。棠留民勿拜，廼於種花忙。忽
羨采芝快，大滌本洞天。仙都藏欲界，葛巾緬郭文。丹竈尋許
適，抽身未能遂。乘興先遣畫，因君超然心。覺我甚矣憊，塵襟
苦難澆。大藥幾時曬，願從擷夜光。服之和沆瀣。

寫楊比部

自題 題其大父故大令

師游

遺像

徭俗曾歌叔，度來棠陰遠。向日南栽買，牛隴上春耕。遍射虎
山中，夜戶開家世。已看綿省掖，畫圖猶許見。丰裁去思留，自
兒童口冊載。前塵首重回。

乾隆乙亥君去武進時予
方九歲今四十五年矣

一尊

一尊閒醉夕陽前，鳥帽黃塵忽廿年。士木無功偏食志，相能
造命也言天。驚心劍外連烽火，何日江頭理釣船。李廣不封

封李蔡令名厚福幾人全

陳孝廉 希濂 夕照菴畫卷

君之先世結淨因卜築愛近西湖濱何年捨入淨慈寺茶烟
禪樹空前塵君思勝蹟不可復急倩丹青寫高躅孝廉船中
書畫多此卷還應壓行簾我笑征衣久化緇逢君重憶浙遊
時會當築杖雷峯頂飽看斜陽欲落時

題雪意畫冊為金十秀才 學蓮 時金悼亡日近

寒香散處影淒迷欲雪先愁月墮西輸與孤山林處士一生
原自有梅妻

幾回不寐到橫參翠袖還思倚竹吟畢竟畫師難寫盡意中
想像夢中尋

六如偈在共誰參此味當年我亦諳莫向瑤臺添悵望雪消
和水返江南

送金十南歸

君來曾幾時籍甚長安譽無端春晚晚與春共歸去君才雖
高不得志檢點青衫淚痕瀆天近難教鵬鷲飛波寬偏礙鴛
鴦戲好夢忿忿只一年將雛計失更堪憐况增華屋山邱慟
謂平湖沈尚書初併入春風楊柳前舊廬無恙重回首作達何如一
杯酒君聽日夜桑乾聲誰不銷沈利與名

詠萍

莫道託根無地居然以水爲家相逢合訴離恨幾片隨風落
花

折柳送人歸去可知絮是前身却惜青錢如許不曾買得陽春

讀柳子厚文

蜀日越之雪吹者安故吾目睫見不廣毋怪各守株胡爲產
山土嗜好比衆殊明明康與莊舍之走縈紆明明蘭與蕙反
視爲榛蕪手挾兔鬪册眼空虎觀儒一倡遂百和入主廼出
奴文章雖小道風氣羣所趨我讀柳州文拚卷生長吁寄言
當塗者願慎登高呼

送言八

朝標

出守夔州

使君舊望白雲司治劇新邀

特達知且喜春來息氛祲最難兵後撫瘡痍磨礪錯節盤根

地歌嘯孤城落日時畢竟才人多入蜀若逢守道謂石話相執如思

將以漆丁遺櫬附舟南歸復至殯所志感

樽積臧懸送汝還此來那禁淚重潛幾回展讀傷心賦我亦

當年庚子山

莫因魂小怯關津羊祜張衡冀後身此去好埋姑姊側相依
仍是一家人

鄭所南墨蘭

原題云向來俯首問羲皇汝是何人到此鄉未有畫前

開鼻孔滿天浮動古馨香後署丙午正月十五日作此

一卷

翛然空谷異當門
渲染都成涕淚痕
天使寸縑逃劫火
人無餘地託靈根
井寬差喜能藏史
世大何曾別受恩
獨抱秋心盟楚客
年年芳草怨王孫

姚大令思廉將宰文瑞以舊藏董文恪邦達所寫晴川烟

兩圖索題

尚書一代丹青手
畫裏千支記丁丑
只今棠蔭滿晴川
先生身已歸田久
先生仕楚兼仕蜀
到處江山猶在目
卻愁氛祲未全消
那不重教作民牧
把圖徐展晚風前
題徧新篇與舊篇
我有深情縑素外
兩家交誼已三傳

同譜
同官

為祝觀察曾題山寺讀書圖即送之官秦中

安陽山色記模餉特倩長康作畫圖燈影一龕雞亂唱有人
深夜讀陰符

交風梅雨賦西征此去秦關笑請纓欲議受降須議勦莫忘
籌餉與籌兵

頗牧真看出禁中壯夫我尚媿雕蟲明年要遂窮隆約子有

分陝輸君第一功

哭方處士燕

論交逾卅載別亦七年餘豈意風流盡還疑消息虛衰問長

抱病懶悔少通書想像斜陽裏蕭條山靜居君所居

老作依劉客金少權分桐華谿水濱一經傳有子三絕繼何

入山水游如夢丹青跡尙新平生風義在細數重傷神

既有餘生慶

己酉庚戌間君善大病幾死

如何不少延蘭推空谷韻花謝

晚春天

君以三月卒

詩過方干富交留鮑叔賢

謂以文

酬君無別事

商略定遺編

北牖修篁宛平縣治八詠之一為胡大令

選賦

新碧琅玕漾淺漪清風況與長官宜揭來北牖披襟處想見

西涯荷鍾時

縣治即李賓之西涯地資之有種竹詩卷

招客不妨三徑闢避炎可

許一尊移結緣欲數鷗波典重和茶陵種竹詩

詩冢詩為會稽陶

元藻作

去年詩冢詩曾為賈生作梁溪眾詞人精靈寶有託今年詩

冢詩廼為陶翁成哀其所著作別作一小塋泉明以後君其

嗣達者襟期儘遊戲江湖客倦歸去來結習未能忘所嗜朝

哦一首暮一篇等身之集成哀然與其人間飽蟬蝨益使化
碧埋窮泉八句未覺神明改邨下有兒今作宰收將心血祭
年年絕勝秋風哭遼海君不見中郎發邱尉摸金石麟草沒
狐兔侵千秋此獨保無恙一杯淺抵名山深

六月廿二日消暑初集集宋祠部鳴琦齋中

九夏將闌候方開消暑筵莫嫌斯會晚且喜主人賢廣坐庭
宜做斜街地況偏應持碧筒勸佳節近觀蓮

容易同情話煩襟借遣除別愁人作郡懶怕客催書時君方乞郡是

日同人多以紙索書塵滅新篁外涼生落照餘不知河朔飲食譜較何

如

宋儀部巢雲別墅圖

蒼松千尺泉百尺中有幽栖十笏宅宅前復喜繞梅花持印
主人心鍊石忽拋風月來握藹朝朝聽鼓身應官冬消濃寒
夏銷暑有時許我同追歡雲兮莫向故巢戀膚寸還期八方
徧青山合讓我早歸鳥未高飛已先倦

爲宋儀部題其女兒味雪樓卷

一片心盟止水卅年身閉危樓味雪亦如味蔗老來境到曠
州

庭前憶吟飛絮林外愁聞斷鴻只許梅花栽近垂簾不放春
風

明學士華鴻山先生察六十言懷詩墨迹書後

威鳳翩然不可繫蘭省木天輩難及懸車曾未到白頭泛艇

偏思戴青笠公今桑海渺風流我忝粉榆同郡邑忽然得讀

言懷詩顆顆驪珠百四十卽此猶窺孺慕心那必盡緡知退

集因之追憶尙書書卻祝遺規屹然立先恭毅五十時爲書示子弟日若幸逢具

慶或可假以娛親倘恨切終天誣宜因之受賀云云雖藏篋衍待裝池對此能無慚且

泣難得公多賢子孫乞徧題詞墨痕濕陳之几席爇瓣香整

我衣冠肅三揖南齊以後孝世傳是卷何殊小宛什

七夕立秋招同吳樹萱宋鳴琦兩祠部謝振定何道生兩

侍御汪助教端光戴比部敦元萬大令承紀集敦經悅

史堂沈侍御珉以疾不至

靈辰歲一過客蹤宜合并況聞賣楸葉忽感朱律更不有良

宴會何以申衷情飛牋集傳侶酬節羅籌觥飲與八仙符察

比七客羸是時苦積暑猶未終三庚颯然風雨來庭院皆商
聲幾愁葛絺薄暫釋蒲葵擊吳師出最捷險韻詩先成餘亦
次第就敵盡今之勅大令萬廉山兼人長更擅繪事精信手作
渲染匠心若經營獨嫌沈郎病不與趙國盟瓜果既已設杯
瓊盞各傾但期今夕醉那惜明朝醒酒闌天宇白屋角涼月
生鵲少繞樹飛漢仍案戶明吾徒媿尸素羣盜猶縱橫誰瀉
天上河快洗人間兵諸君慎努力賤子將歸耕

七月廿五日熊禮部方受招集園林

交臂名園失初因雅集過經時爲俗困此地覺秋多妙理叅
醇酒憂心發浩歌甲兵何日洗無力挽銀河

嶙峋山一簣遠可矚城闈難得林亭古添栽花藥新公餘勞

攘剔閒處見經綸且喜居鄰近休辭剝啄頻

三十日萬大令 承紀 招集吳祠部 樹萱 霽春堂

三分秋色一分遙佳會重煩折柬招樹放斜陽催雨過天留

殘暑待人銷應官強半催車騎 曹太常師曾沈侍 顧曲何因

借管簫 大令欲度曲無和之者 主亦是賓賓是主共拌泥飲永今宵

九日白極樂寺泛舟至萬壽寺歸飲周侍郎 與岱 嘉樹軒

作

清游宜令節獨樂豈若眾駕言出西郊秋陰黯如夢我我國

花堂平遠勢全控野水曲可通寒葩姿競弄一尊悵未携半

臂涼誰送庭前相嵩碑似為貂璫頌幸免石磨治難辭客嘲

風人爭羨枯棹吾願學抱甕 詩中以枯棹引水灌漑甚廣

經年未泛艇野渡舟忽橫遂如天上坐直作鏡裏行潦收兩岸
濶風動一櫂輕有時雲影過微逗日色明樓臺疲應接烟
樹勞逢迎蓬瀛去不遠圖畫殊難成得歸竟何時動我江湖
情

忽聞波濤喧坐見千尺瀑行行到水窮捨舟乃登陸言尋招
提境更訪浮屠族天矯鬪竒松蒼寒到脩竹有山殊瓏玲其
下復繚曲登高誇足健吹帽笑髻禿還憩講堂中趙州茶已
熟客方避喧至僧轉談官俗去去夕陽低母爲桑下宿

鼎鼎百年中能逢幾重九勝地旣聯蹤高齋還置酒且吟對
菊詩莫負持螯手侍郎固人豪一輩亦竒友各含胸中氣同
向尊前剖歌疑有鬼神醉欲喝星斗頻看華燭跋不覺促坐

久歸路柝聲稀霜濃壓馬首

伍堯祭酒

法式善

移居三首

淨業湖邊客遷來鐘鼓樓依然有風月別擅一林邱門敢題
凡鳥身還狎野鷗西涯緣未斷卽景漫勾留

舊日誰爲主曾聞城北徐聊因十笏宅暫度一床書子是傳
經器人多問字車過從今稍遠肯惜策疲驢

尋山吾有願容易負初心

予有尋山卜居圖

但許詩龕住應忘塵海

深羊求無異客尋柳足清音歲暮風霜緊銷寒請自今

爲張進士

若采

題王孝廉

學浩

所畫天台觀瀑卷子

四更月上聽飛泉如此清游亦可傳我正欲歸君又出相携
采藥竟何年

送馮給事培南歸卽次留別韻

薄宦終虛負郭田歸裝且理臥雲編急流肯退斯爲勇清福
能消卽是仙上下樓分賓客至東西屏喜弟兄聯君歸與哲
兄太守培

同白頭莫笑馮唐老屈指懸車尙七年

長貧自歎復嬰疴鄉思頻隨東逝波永憶江湖偏浪迹焉知
溝壑但高歌多君猶許追壇坫何日相依共澗阿若見梁溪
舊漁者先煩寄語辦青囊

解組翩然別掖垣未忘情處故交敦行隨白鴈人千里餞賦
曬駒酒一樽每望出師諸道捷猶殷戀

闕寸心存還家知有閒經濟泉石農桑細討論

去歲十月之望添丁痘殤今一年矣感而有作

魚羹聊一飯汝死又經年有骨歸鄉去無魂到夢邊聰明比
兄早涕泗累孃偏寒月知人意雲遮不放圓

讀邵舍人

蘇祺

入直詩有作

紫薇紅藥迭呈姿又見君來入直時地冷最能消銳氣官閒

且喜得新詩打頭共住三間屋屈指難忘四日期

舍人初到閣每四日

一入自笑廿年仍不調樊川今已髡如絲

寒香高節圖爲黃尉

恩長

母宋孺人作

雪綴庾嶺梅淚斑湘水竹繫彼林下風庶幾儷高躅誰歟寫
壽黃童母尺幅丹青抵春酒女師儀範北堂尊宰相門楣南
國久天將蔗境酬母賢有兒籍甚才名傳冷香峻節長無恙
回首劬勞三十年

贈宋刺史

鍾

十年一見隙駒馳，撲面黃塵鬢各絲。
我倦應官爾重出，茶烟禪榻是何時。

宦味真如嚼蠟然，況今治譜有兒傳。
梅花是處都堪賦，歸計寧須待買田。

翦燭圍爐記昔遊，故人零落半山邱。

甲辰冬余與君及曹劍亭前輩程東治侍御為

銷寒之會今兩人已歸道山

風前且鬪閒身健，同上長安舊酒樓。

上章沿灘

人日集韓封君

是升

載石舫次韻

昨冬湯餅未延賓

君於去臘舉子

急治辛盤會，率真交過廿年如隔

世詩題。七日又逢春，每驚攬髻顏都改，且喜銜杯意各伸。門

外雪深歸去緩近來蹤蹟倍相親

正月九日邵五

葆祺

三十初度招集橋東書屋

太歲在辛丑君齡裁十一我時謁黃門文度方置膝王子我
重來才名已洋溢喜君甲科登惜君詞館失比者共雞栖過
從蹟尤密三十古稱壯男兒氣橫逸今逢覽揆辰春正月初
吉有酒對誰酌折柬招所曠杯傾劉雅三人過晉賢七樹杪
殘雪消天邊皎月出爭趨漢上襟走賀橋東室致身貴少年
讀書須暇日進堪爲令僕退可垂著述不然花月場追歡亦
多術君悉優爲之座賓無與匹況榮樹背護兼靜在御瑟此
樂殊未易胡爲動悲叱吾衰幾倍長蹉跎誤庚蟀斂面怕觀
河雄心讓投筆因君遡前塵願君騰茂實君食綏山桃吾耕

陶令秋

立春後一日李銀臺

蔡

招集寓齋次韻

條風來昨夜天上有春雲勝日開
筵好高齋卽事欣空慙牛
馬走得附鷗鷺羣食譜勞親檢
堆盤珍錯紛

健筆銀臺擅今之太白流等身詩
早訂竟夕客還留春淺雪
盈砌談深月在樓翻嫌傳座密佳
句乏賡酬

題接山草堂圖爲錢唐梁孝廉

履緌

維昔司空公縮符播州治有堂名接山堂以山而置如龍或
如鳳環拱森遼翠維上章執徐君實生其地至今四十年恍
惚殊難記作圖用傳觀示弗忘所自有客多名流濡毫競題
識昨甫來都門頃復動歸志我家與君家締交今五世司空

廣惠澤吾郡舊沾被公侯必復始抱蘊正堪試胡畏北山移
甘作西湖醉不知古之人器以盤根利宜趁黑頭時早作青
雲致展圖聊贈言庶慰明發意

禮烈親王克勒馬畫像二十韻

昭代開基盛功多禮邸成維王本天挺有馬佐軍行不數蒲
梢產爭傳克勒名腹毛鱗甲動肉角幹枝撐肯受鞍韉飾常
思鼙鼓聲聞風諸部懾逐電一身輕龍種原無敵魚皮詎足
平病時蹄得得跑卽水泠泠端藉馳驅力還資駕馭精身真
經百戰才可副專征方喜桐珪剖俄傷瘡萼傾支離餘瘦骨
躡躅每哀鳴絕食糧先謝酬恩死亦榮裏帷宜便報刻石故
宜旌簡冊曾留傳丹青補寫生神完如躍躍氣猛尙英英今

者餘氛在殊勞

聖慮縈何當策騏驎速使掃機槍周召勲重迦曹韓畫細評
披圖慙伏櫪願效請長纓

和蔣太守

熊昌見懷

浮沉已分老問曹看盡風前鳥雀高舉世人誰醒春夢此官
我未補秋豪能貧終是家庭樂好嬾益堪簿領勞多謝元卿
勤問訊且開三徑待傾醪

送家修撰

文楷冊封琉球

詔臨滄海冊藩臣便選瀛洲第一人風動帆檣占二至花開
旌節照三春揚兵要使鯨鯢靜迎客還看鷗鷺馴若見飛雲
定回首白頭尚有倚闕親

仙李同舟

謂學莊

險遞經徽稱崇後仗慈靈

天后神號近復詔增垂慈篤祐四

字日翻層浪三更赤天入中原一髮青禮盛賓僚皆自肅詩

成陪隸亦爭聽光榮不獨吾家事館閣分傳兩使星

送張大令若采宰鎮番

去年九月始識君意氣相感如龍雲今年三月與君別正是

淮愁況風雪柳葉未青花蕊涼春寒客路須珍重糲絲遙指

姑臧城天姥峰還入清夢

君初遷浙之新昌

武威自昔稱雄州

帝飭自爲安邊謀男兒辭家便許國敢擇東西南北投頗聞

傳烽猶未已滿眼瘡痍皆赤子料應帶得雨隨車到日氛消

甲兵洗君行萬里匆匆去我亦短衣趨

輦路

時將扈從謁陵

那堪分手只須臾他日重逢竟何處春明門

外把杯餘別後關情仗寄書煩遣明駝先問訊夜郎李白近
何如謂洪大亮吉

爲張大令

若采

題張檢討

問問

所畫橐駝

寫出明駝兆遠蹤僧繇畫別有心胸子卿臺畔人懷古取酒
還應發一封

也其鹽車嗟久困看馱石炭不曾問輸他千里塵高處風脚
長驅過玉關

三月三日胡民部

移

招集草橋僧舍修禊歸飲鶴夢軒分

得踏字

良辰愜勝遊嘉會喜簪盞言出南郭魚貫行迨選午日方
暄和野風忽蕭颯略無芳菲尋但有塵土踏頗聞尺五莊賓

至多延納今來值豪奴
囹圄扉遠雙闔迴車憩
招提茶椀供老衲主人
尤解事早挈壺與榼襖
續蘭亭修賢欣竹林合
興盡避歸途高齋更然
蠟爭傾泛尊蟻且食堆
盤蛤詩殊詠溱洧卦竟
占噬嗑自怪性情迂復
苦貧病雜何術袪除之
座客不能答起視月西
沉醉眠思借榻

清明日初見桃花

三月春寒花信遲
道旁初見碧桃枝
任他栽遍元都觀
已是劉郎欲去時

清明日集鶴夢軒餞張大令

若采

容易清明節重追上
已歡非關游燕數
且是別離難
月爲春陰黯
花增夜色寒
酒闌拌更醉
來日各征鞍

次日余有
扈從之役

夜過蘆溝橋

屈指南來日茫茫已九秋此行隨

翠葆又復渡蘆溝月淡籠沙影波喧觸石流駢駢問前路中
衣數更籌

三月十七日半壁店曉起對雪

怪道衾寒甚朝看雪滿庭乍疑殘月白顛失遠山青麥隴秋
猶待花魂春未醒勞生無別羨高臥戶雙扃

房山弔賈閻仙

長江祠墓至今存過客重招西峪魂但有詩名尙千古可知
人不在官尊

易州

驅車晚過易州城城上斜陽一角明山壯儼成環衛勢水寒
猶帶別離聲碑尋蕭寺書無恙墨到奚家藝獨精成敗自來
難逆料術疎何必怨荆卿

涑水道中

白石成田緩轡過黃塵拂面野風多一泓水照雙衰鬢人渡
東西拒馬河

回首

回首東風計總非戀巢燕子尚依依名花不及原頭草墮溷
飄茵一任飛

移居次老友韓二

是升韻

人生聊作逢場戲居室苟完餘勿計朱門華屋任轉移令德

備風戒涇替樂餘東老少知名曾向長安頻結騎我時應舉
兼覲親開歲北來蹤偶寄一經齋中始定交二人同心斷金
利我嗟岸柳望秋零君傲蒼松入冬翠流光冉冉卅六年就
養此齋君再至邾前事業方崢嶸架上綠綳且排比藤花無
恙古槐高蓋夏清陰互繁蔽敞廡咫尺便來往舊學晨昏勞
講肄境過真如夢寐遊身安即抵軒車貴何時歸共狎鷗盟
住固大難去非易

送李少京兆業之官奉天

萬花飛舞送前旌

帝簡備臣佐尹京長自壯遊良足紀輭紅小別亦關情銀臺
舊仰班聯峻鉞嶺今看陶冶成天遣屢搦文字柄頭銜長比

玉壺清

到日濃陰滿塞榆詩囊使節與身俱車因覓句行常緩窓為

看山敞不糊僚屬自饒人倡和謂宣遠牧劉大觀海城令陳烈登臨莫惜路

繁迂殊遯早晚還臺省駟騎重看策禁塗

吳贊府旌嘗取杜詩寫櫓搖背指菊花開行看子後十年

果有蜀行因以屬題

黃花開處影疎疎白舫青簾任所如偶寄吟情三峽外遂成

遊跡十年餘東籬漫羨陶元亮西蜀方資李秘書安得頻教

籌幕府只今螭臂正當車

邁園歌為方比部體作

琉璃井邊宮一畝地僻雅稱開林巒傳聞孫綽昔居此舊為退谷

少宰幾經易主歸方干延陵劍曾盛聯詠碧山槎憶爭傳觀

適園之名今璧錫其義實取詩考槃主人日涉頗成趣饑則

可樂身心寬毛傳云適寬大貌鄭箋云飢意風前花鬪錦爛熳雨後竹潤清

榭藥一邱一壑巧位置或偃或仰恣磐桓取法欲將金像鑄

歲仿賈浪仙祭詩故事占天特製銅儀看君能造客來往往永朝夕拍

肩連襪頻追歡今年春事太寂寞韶光九十忿忿殘主人雖

貧客亦倦豪興比昔多關珊四月無雨麥苗槁索米更覺長

安難有園不窺亦良負牡丹紅藥方依欄何當典衣博共醉

眼前且遣忘憂端

家茂才叔滙以雍正乙卯閏四月生至嘉慶庚申已四週

閏四月矣作自壽詩寄示因和其韻

初度避開初夏天舉觴聊復一陶然生朝恰喜逢重閏長日
真疑過小年添葉梧桐新著雨傍階芍藥正籠烟蓬壺卽在
人間世修到神仙只寸田

白首豪情寄筆端青雲後起已爭看當貧知足自能樂未老
肯閒最是難簪組豈如吟杖穩江湖況有醉鄉寬何時把釣
隨臣叔同煮鱸魚對蓼灘

子 巖

姪學彭 校字

亦有生齋集卷第十七